

ORAIN GERTATZEN DANA

Juan Jose

Sarasolak

jarriyak

1

Gauzak obligatzen nau
Bertsuak jartzera
banua, gramatika
irakurtzera
alkar serbidezagun
kristaben antzera
bestela datorkigu
anima galtzera,
pakia sortzera
ez egon atzera
zerbait laguntzera
sayatu ontzera
ibillera gaxtuan
griña kentzera.

2

Orain ogeita bost
urte ziran asi
garbi esposatzia
nai galerazi
sanuak ez gaitzen
ortaraño jausi
tentaziyo txarretik
inzagun igesi
datorrena ekusi
famili eta guzi
aurrak ondo azi
ala du merezi
zarraren ejenpluan
obe da bizi.

3

Ogeita amar egun
ziran Abenduan
Donostiyan Junta bat
izan genduan
Ilbeltzaren amairuan;
gero urrenguan
milla ta beretzireunda
zazpigarrenguan
batzuek lenguan
nai dute munduan
kariño senduan
alkarren onduan
ageriko da zenek
portatzen duan.

4

Zibillak ezkontzia
desio duanak
elizetara gabe
egin nai lanak,
notiziya izanzan
itxitzeko danak,
oraindik eztu utzi
buru dagon Jaunak,
ain kontra juanak
zabarrak egonak
batez ere gonak
engaño onak
besterik gaixtu nai
oker dagonak.

5

Libertadeko ezkontza
nai duenak ekarri
protestante legia
lezake jarri
bat gustatzen bazayo
lenbiziyan erri
gero ibilliko da
mundu parragarri
burla egin ta korri
egindu sarri
amoriyoz urri
muratzeko larri
ekusten dira zenbait
istillu gorri.

6

Zerda gure arteko
biziyo gayena
aragiyaren gaitzak
dakar geyena
estranjero askori
gustatzen zayena
beren alde jartzia
luteke nayena
kontrako ayena
degu lasayena
izketa layena
arturik goyena
errespeto eskasa
dago oyena.

7

Kapa beltzaren kontra
 asiyak ostera
 lenguaje gaxtuak
 erakustera
 biurtu nai lirake
 estadu tristera
 amar diran lekuan
 bajatu bostera
 gaizki ekustera
 galdurik euskera
 orlako izkera
 sarzagun auspera
 paltatzen eztuenik
 iñor ez gera.

8

Eliza fundatu zan
 San Pedro'ren gandik
 artikulo eder bat
 jakin det andik
 geroztikako saltsak
 esango det nundik
 Kredua borratu nai
 albalitz iñondik
 eztago ordenik
 ala uste det nik
 urte asko juanik
 orrelako lanik
 ezin sinistatu det
 galduko danik.

9

Batzuen arrokeriz
 sortzen diran gauzak
 luzimentu gutxi du
 gure grandezak
 galestiyak diala
 pregoi eta mezak
 eskritura debalde
 aldute juezak?
 pobre prestu esak
 baju interesak
 egiteko noblezak
 modu alrebesak
 geyena kausatzendu
 sopritu ezak.

10

Ezkontza txarretatik
 datozen nastiak
 pamiliyako buru
 alrrebestiak,
 gurutzari eutxi
 senarra mastiak
 gu ilko gera bañon
 badatoz bestiak
 kontuz ajustiak
 naiz asko kostiak
 ez nere albistiak
 arritu gaztiak
 ez geyegi itxutu
 mundu tristiak.

11

Beste estadukuak
 ezkondu gabiak
 jeniyo batzuetan
 igualdariak
 guziyok baditugu
 geren findariak
 bañon tiratzen gaitu
 bakoitzak beriak,
 nik ere neriak
 badauzkat iriak
 kunplitzen legiak
 zein geran obiak
 ezagutuko gaitu
 gure Jabiak.

12

Diabruan mendian
 jartzendan presuak
 bizi modu geyenak
 peligrosuak
 mailbillera gaxto
 lujuriyosuak
 mintzen errazak dira
 oraingo gozuak
 aritu kasuak
 mirabe gaxuak
 eta gurasuak
 zabaldu besuak
 Jaunak zuzendu izala
 gure pausuak.